



Inatsisartunut ilaasortaq
Mariane Paviasen, Inuit Ataqtigiit

Savaatillit pillugit § 37 naaportorlugu apeqquteqaammut nr. 142-2022-mut akissut

Allakkat ulluat: 21-07-2022
Suliap nr.: 2022 - 14588
Akt-id: 20660509

Asasara Mariane Paviasen

Postboks 1614
3900 Nuuk

Savaatillit pillugit Inatsisartut Suleriaasianni § 37, imm. 1 naaportorlugu Naalakkersuisunut apeqquteqarputit. Apeqqutit uannut akisassanngorlugit innersuunneqarput.

Tif.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

1. § 37-ikkut apeqqut nr: 125-mi akissut tunngavigalugu Qularnaveeqqusiinneq 3,5-iniit 5 mill.kr-nut qaffaanneq eqqaaneqartoq, Savaatilinnut toqqaannartumik ataasiakkaannut qanoq iluaqusiisagami?

Akissut: Qularnaveeqqusiissutip qaffanneqarnerani nunaatillit 2022-mi nerukkaatissanik naggorissaatinillu ataatsimoorlutik pisiaannut akiligassaq Savaatillit Peqatigiit Suleqatigiissut akilersinnaalerpaat.

a. Savaatilinnut ataasiakkaannut qaffaaneq taanna qanoq malugineqassava?

Akissut: Apeqqummut 1-imut akissut innersuussutigineqarpoq.

2. Qaqugu Neqi A/S-ip akit 2022-imoorut isumaqatiginninniutigissagamikkit?

Akissut: Tunisinermut akigititat tamatumalu kingornaisumaqatigiissutip isumaqatiginninniutigineqarnerat Neqi A/S-ip aamma Savaatillit Peqatigiit Suleqatigiissut akornanni susassarfiuvoq. Taamaattumik Naalakkersuisut isumaqatigiissuteqarnissap ingerlanissaa aalajangersimasoq taanna pillugu pilersaarutit sukumiisumik pulaffigeqqanngilaat.

a. Suna pillugu taamak kingusitsigisumik isumaqatiginninniarnert ingerlanneqartarpat?

Akissut: Apeqqummut 2-mut akissut innersuussutigineqarpoq.

3. Nunalerinermik periusissiaq 2021-2030 malillugu Naalakkersuisut nunalerinermut tunngasumik suliaqarpat?

Akissut: Naalackersuisut periusissiaq aallaavigalugu sulipput, kisianni periusissiaq inuussutissarsiutip qanoq pitsaanagerusumik ineriartortinneqarsinnaaneranut iliuusissanut pilersaarutaanngilaq aalajangersarneqarsimasoq. Suliniutissanut aningaasaqarnikkut suliaqarnikkullu ajornarunnaarpat aallartinneqarsinnaasutut siunnersuutigineqartunut suliassanut allattuiffiuvoq. Naalackersuisut Nunalerinermut Periusissiamut tunngatillugu siumut ingerlanera pillugu inuussutissarsiortut ingerlaavartumik oqaloqatigisarpaat, ilaatigut Nunalerinermut siunnersuisooqatigiit aqqutigalugit.

a. Taamaappat suliat periusissiaq malillugu ingerlappat?

Akissut: Apeqqummut 3-mut akissut innersuussutigineqarpoq.

b. Imaluunniit Kinguaattooqqappat?

Akissut: Nunalerinermut Periusissiaq 2021-2030 pingaarnertigut sinaakkutissaavoq. Siunnerfiit pingaarnerit angunissaanut suliniutissat isummerfigisarnissaat iluarsiivigisarnissaallu ingerlaavartumik pisariaqartinneqarsinnaavoq. Nunalerinermik inuussutissarsiorneq tunngaviummik nammineerluni inuttut inuussutissarsiutaammat eqqumaffigissallugu pingaaruteqarpoq.

Naalackersuisut aamma Inatsisartut soorunami naapertuuttumik killissaliussanut atugassarititaasunik qulakkeerinissaq suliassaraat. Taamaalilluni nunaatit ataasiakkaat ingerlanneqarnerannut aningaasaqarnerannullu politikkikkut akisussaasunnngornissaq ajornarpoq imaluunniit kissaatigineqarani. Immikkut ikiuunnissamut suliniutinik pisariaqartitsisoqalersinnaanera mattunneqarsinnaanngilaq, soorlu maannakkut Ukraine-mi sorsunnerup malitsigisaanik akigititat qaffarujussuarnerat pissutigalugu nerukkaatissanut akiitsornerup qaffannerani, nunalerinermik inuussutissarsiortunut eqquilluni taamatut pisoqartoq.

Aammattaaq apeqqummut 3-mut akissut innersuussutigineqarpoq.

4. Savaatillit ilisimareerpat nerukkaatsissat akiisa qaffannerat taamaammallu nerukkaatsissanik pisinermi annikinnerusunik pisisariaqarsimallutik, uumasuutiminnillu ikilisaasariaqarlutik aalijangertariaqalersimallutik, Naalackersuisut immikkut ittumik ikiorsiiniarpat uummasuutit amerlassusaannik ikilisaasariaqarneq pisiaaarullugu?

Akissut: Savaatillit Peqatigiit Suleqatigiissut Neqi A/S-imut akigititat nutaat isumaqatiginninniutigereerpasigit, inuussutissarsiummut aningaasaqarnikkut sunniutaasussat tamakkiisut aatsaat ilisimalertussaavagut.

Naalackersuisut ineriartorneq malinnaaviginiarpat aammalu suliniutissanik pisariaqartitsisinnaaneq isummerfigissallugu. Ilanngullugu aallaqqaammut tapersiisarnermut inatsisini killissaliussat atuutereersut iluanni periarfissat

aammalu aningaasanut inatsimmi tapiissutinut aaqqissuussinerit nunalerinermut siunnerfeqartinneqartut, qimerloorneqassapput.

a. Naalakkersuisut qanoq iliorniarpat?

Akissut: Apeqqummut 4-mut akissut innersuussutigineqarpoq.

5. Savat ikilisarneqartariaqarneri ernumanarpoq, nerukkaatissat akitsorpallaarneri pissutaalluni, tamanna nunalerineq pillugu periusissiamut 2021-2030-mut naappertuutinngilaq, Naalakkersuip savanik ikilisaannginnissaq anguniarlugu nunalerineq pillugu periusissiaq malinniarlugu qanoq iliuuseqarniarpat?

Akissut: Apeqqummut 3-mut aamma 4-mut akissut innersuussutigineqarpoq.

6. Ukiut qulit qaangiuppata savaateqarnermik ingerlatsiinnarnissamut aningaasatigut tapersorsorneqarnissamik pisariaqartitsisut savaateqarnermik ingerlatsiinnarnissaat qularnaarniarlugu iliuuseqarfigineqartariaqartut qanoq amerlatigippat?

Akissut: Nunalerinermut inuussutissarsiornermut tamarmut, pisortanit annertuunik aningaasaqarnikkut tapersiivigineqarnissaq isumalluutigineqareerpoq.

Inussiarnersumik inuulluaqqusillunga



Kalistat Lund